


静修集

拾遺一之七



			五	漢
			四	書
			六	門
			五	
四	八	九		
冊	架	函	號	類

三	五	漢
六	四	書
函	六	門
一	五	
架	冊	號
	類	

內閣文庫	
番號	漢 5465
冊數	4 (3)
函號	316 47

共四





靜脩先生詩文拾遺

卷之一

淺草文庫



五言古詩八首

郭翁詩并序

李從事北上

種羊

重游北溪八韻得暉字呈保定諸公

七言古詩八首

送王之才赴史館編修

同仲實南湖賞蓮醉中走筆

明遠堂賞蓮醉賦

元章論書帖

阿寅百醉

友人送枳朮丸

記夢

又

雜言二首

早發高黑口號

送國醫許潤甫還燕

五言律詩二十九首

旅夜

虞帝廟

登保府市閣

憶金坡道院

寒夜

移日菊

採野菘

食菰白

酒令

蕩尊宋祕監索賦

鸚鵡

宋道人八十詩卷

鄉人王母九十

寄谷祖文

楊子忠總管福列

送尹宰

送成判官

送成從事

寄子東太守

送東海相士

感范女

哭張之才

哀郭勸農

頤齋先生挽卷

贈谷學者

西市藥隱

獨立

嘉甫從親王鎮懷孟

集杜句贈王運同彦材

卷之二

七言律詩四十一首

渡白溝

遂城道中

鎮州望抱犢山

避暑玉溪山

溪光亭小憩

留題山房

水門庵

井陘淮陰侯廟

登高有感

樓上

春遊

新秋

秋夕

夜坐有懷寄故人

秋望

秋日有感

痴坐

盆池

虎甲

黑馬酒

賦孫仲誠席上四杯仲誠命題彥通舉韻

螺

荷

批

橙

刪錄以韻即席課諸生東齋諸物七首

遠山筆架痕字

折疊筒牌筠字

梅杖枝字

竹癭知字

醉梨寒字

玉簪香字

秋蓮空字

西瓜

又

負士

故人見訪山中

次韻答河間趙君玉見寄

憶郝伯常

涑陽李丈九十壽

壽田慶士

何太夫人生日

卷之三

七言絕句五十二首

偶讀謾記二首

偶書

天舍

雜詩

理西齋成

早起

宿山村

宿洪崖觀

大覺寺作

大暑絕句

北窓看雪

人日

春夜不寐

中秋無月

山泉

煮茶

見梅

中山道中

雪嶺遇雨

賀正

春夜

故園寒食二絕

霜落

鼓城龍湫

聞角

落花

啼鳥

次人望雨韻

豆粥

戲題李勃聯德高蹈圖後二首

秋烟疊嶂圖

畫猿

梅雀扇頭

題崔氏雪竹海棠二軒

耶郢歌枕圖

田孝子詩卷二首

雨中聞雲溪不在

贈狂道士

卷之四

雜著八首

希聖解

吊荆軻文

苦寒賦

讀藥書漫記二條

書示瘍醫

武遂楊翁遺事

叙節婦賈韓

卷之五

書八首

答田尚書

答何尚書

與王經畧

答張推官

答王判官

答勸農

答醫者羅謙父

請趙教授就師席

卷之六

記序哀詞贊疏題跋十一首

宣化堂記

歸雲庵記

曰景延寫真詩序

王田楊先生哀辭并序

可庵韓道士真贊

王治中請趙君玉疏

請趙提學疏

請趙安之就師席疏

靈陽觀鳩粮疏

跋魯公祭李明姪文真蹟後

書饗養圖後

卷之七

先世雜事記五首

西塋改葬後祭文

東塋改葬後祭文三首

先世行實六條

先君記事

郭氏親事始末

靜脩先生詩文拾遺卷一

五言古詩八首

郭翁詩并序

翁名思本相人少為輪扁業亂後流寓
保定年今近九十矣早與其兄相失後
聞其居河南老無所依翁乃三往迎之
及至奉事惟謹與同寢處翁家貧素無
僕御其兄卧病翁親為浣滌廁踰其兄
臨終嘗以遺骸歸柩為託而翁亦極力

以成其志郡中諸老人與翁年相若游
相好者數人爲予道翁行事如此予感
嘆不已爲作是詩

佳木交清陰欣然動人意况聞翁之風能不有生氣
此翁少有兄干戈鄉縣異哀鳴念羈孤相思勞夢寐
自誓畢此生復尔歡聚遂千里三往還竟扶籃輿至
夜雨一方床春風滿天地家無十歲僮百役一身寄
效兒浣厠踰代婦理中饋生忘博獨憂死免道路棄
閔河隔故丘走送徇歸志大義今已全初心始無愧

翁本不識書所知惟藝事作詩美翁賢亦以警士類

友善堂詩送文子周使江西

我昔客鎮列東隣友善堂一別今十年主人髮如霜
百年翰林銘許與聲琅々愧昔知君淺喜今窺汪洋
暫會復遠別江山懷豫章舉目見良朋胸中非故鄉
但夏兵亂餘民氣恐不揚人生貴樹立事業在此方

李從事北上

在昔爲趙客君方掾鎮列前年從事保我爲鄉人留
今聞當上計適值將南游區々四五年足跡無少休

窮達雖云異飄泊同羈愁

行家園藥畦

極覽力不任迨尋情亦親勤人良可愧生物庸非仁
氛雜沒畦隔洗去如游塵激流不知小日風亦生鱗
羊乳生氣少靈尾渺無聞牛妳頗肥澤老馬或當神
薯區才數本腸粥思及鄰庭前席許地可望濟病身
茫茫天宇間此意難重陳

種芋

借地斲深區西隣計已成雖無范陽種尚愛君子名
糞壤豆萁爛南風綠雲平欲知子有孫當驗葉與莖
飢腸日有望歲晚分杯羨未築學圃亭先著種芋經
欲持已試驗盡今鄉行

蜀葵

蜀葵落秋子已能成小叢如何同枝花隱々纔含紅
一氣有先後萬物誰窮通伊誰嘆遲暮來此尊酒同

重游北溪

分韻得暉字

蒼黃淡野色草樹含清暉林居隱葱蒨晴嵐散霏微
歸雲有真意鳴禽發天機勝處心深會輕鷗豈虛揮

山泉來何從北望空依々

呈保定諸公

燕垂趙際間人物熒珪璋諸侯舊賓客一郡宗賢良
士窮叫知己人渴思義漿諸公且勿嗔賤子伸餘狂
駟幼有大志早游翰墨場八齡書草字觀者如堵牆
九齡與太玄十二能文章數墳素圃期登顏孔堂遊
遠攀鮑謝駕徑入曹劉鄉詩探蘇李髓賦薰班馬香
衙官賓屈宋伯仲齒盧王斯文元李徒我當拜其旁
呼我劉昌谷許我參翱翔眼高四海士兒子空奔忙

俗物付脫略壯節持堅剛前年脫穎士峨々勢方颯
欲求伸泪沒今反墮渺茫少小嬰憂患痛切摧肝腸
零丁嘆孤苦片影吊愴惶溺身朱墨窟人事如水霜
高才日陵替壯志時悲傷駑駘欺赤驥鷓鴣笑鳳凰
妾婦妬逸才浪嘴詭舌長紛然生謗議鋒豈不可當
不忍六尺軀縮頂俄深藏諸公富高義剗垢摩我骨
去留從所適爽氣生西廊

七言古詩 八首

送王之才赴史館編脩

太古熙々存太質誰爲結繩陷膠漆三墳五典生厲
階一泓前道千流出商周灑噩數千年刪定塵編總
半壁自從盲叟好浮誇天遣阿遷奪其筆歷代煩文
愈是非鑿碎名山藏不得偉哉君實集大成後不
聞麟再泣遼金邪魅無人誅略主英臣少顏色策書
未削徒紛々常恨天孫惜刀尺公耽史癖今史榮茲
魂夜哭崔浩直善惡磊々軒天地筆頭休放波濤息
賤子蕪絕罕寘濱畊牧河山拾古迹悲愁恐效虞卿
窮蒼黃敢召台列謫中原人物有權衡玉堂誰擅

學識山東麟鳳半青雲燕南獨占天荒隙公能一奮
天下文袖手傍觀甘自適

同仲實南湖賞蓮醉中走筆

滄江泝寒風露涼安得置我濂溪堂香塵縹緲芙蓉
裳百年得此南湖張舉杯人勝境亦勝有蓮以來無
此香蓮香隨酒來詩腸得句驚起幽禽翔幽禽隨人
作嬌態意欲和我風雲狂人間一味清到骨兩足暫
付吾滄浪螟蛉螺贏卿且去醉眼太華雲間蒼

明遠堂賞蓮醉賦

畫堂香遠凝清秋宛如坐我南湖舟主人愛客情亦
重謂我無語花應羞荷香繞筆詩自健滿紙已覺清
江流平生老氣回萬牛為君傾倒元龍樓舉杯喚起
謝安石我醉不省蒼生憂

元章論書帖

書家豪猛見世變寒々鍾鼎今幾塵古人胸次無滯
迹意外蕭散餘天真愛書愛畫即欲死狂絕竈無此
人臭穢功名皆一戲渠言夸矣君勿聞

阿寅百醉

南湖風鑿不多可詩中驚見阿寅名朝來抱來聚星
亭神涵秋色啼古聲都山張氏世有賢新崖近得唐
碑銘乃翁家實老窮經阿敬徒筆敵中勅循環元間
豈終晦開物有期須一鳴老夫自任河汾教先為虛
席待此生

友人送枳朮丸

心胸未識黃昏湯無食何用求擯柳書生但苦湯餅
睡巴椒慘々無鼠腸舊聞易水仙翁術綠荷包飯圓

枳木南列故人持送我但欠黃雲數千斛笑撫青囊
時一鼓健啖何由酬此腹

記夢

天風吹雲送星槎蒼鱗道前牽紫霞鳳凰呈舞月妃
和飄々來自金母家金母臨行有奇贈玉簫瑤管聲
清佳囑我醒時無泄露恐世知子生喧譁明朝夢覺
莫驚怪異杏冉々浮窓紗

又

眼中雲物徒紛紜我一掉頭殊不聞天風蒲々燈半

滅忽尔雲間見雙闕欲吐不吐三萬言雄鷄已落長
庚前牀前向魯讀魯論到植其杖而芸田

雜言 二首

早發高黑口號

蒼月瘦黑風酸枯梢老竅號空山東方未動天發黑
迷途客子迴征鞍水髯壓唇帽簷側耳輪霜醉鼻尖
寒中原年少燕南道功名未了黃塵老黃塵老馬上
神列依舊好

送國醫許潤甫還燕

來保定奔母喪

燕趙豪傑窟馬遷曾此求交游即今勁氣壓河朔人
物傑出嶄然雄九列燕南子許子胸盤星斗橫高秋
窮則良醫達良相古人須向今人求萬里黃雲馬上
家歸來泪滿銀貂裘民病未蘇國支枵勿以一身戚
而忘天下憂古來奇士重意氣把臂一語肝膽投君
能搜我胸中磊落之奇才豈亦為君寫我抑鬱之幽
懷

五言律詩 二十九首

旅夜

欹枕寐無寐沈思坐不禁靜中天地我間裏去來今
磊々平生事休々今夜心何方有邊戍雲外急清砧

虞帝廟

四顧莽何際威靈儼若臨山川尚渟朴天地自高深
鳳鳥千年噴籟韶三月音玄功久無復徒抱致君心

登保府市閣

十載鷄泉隱今朝市閣晴民謠混諸國里魏帶軍營
瀛海依々見堯山隱々橫懷今與思古獨立若為情

憶金坡道院

平昔多游覽茲游不易忘
溝涂春脉々松石晚蒼々
有客愛山谷無家名草堂
金坡從此歸聊着永相望

寒夜

肝膽了無寐襟懷誰與同
更長頭可白燭暗火逾紅
硯滴水生癭星流氣吐虹
林鴉先我起鳴噪竟何功

移甘菊

移晚戒前歲植根先此秋
親嘗杖履遍嚴課僕童憂
小蘂終年計新羨一飽謀
區々嘆莎棘陸子謾多愁

採野苴

糞壤自肥膩靈苗絕世紛
炊餘香更美耳出苦難分
宜酪法新得輕身方久聞
野人聊自享未敢獻吾君

食菰白

採食陂塘利分甘野老心
杯盤投浩渺蘋藻避清深
命婢即能識招隣亦見臨
吾卿希此味咀嚼有吳音

酒令

觴至欲何語令嚴當謹聞
茅容唯問稼李白只論文
且喜無多客毋辭過半醺
故人知此老舉白解浮君

蕩尊

宋秘監索賦

南國有奇竹天然成酒尊來因交趾使價重秘書門
含蓄中誰似堅貞節尚存盤桓古人意觀象可忘言

鸚鵡

風雨房櫳暗猶疑隴樹昏無愁緣得食有夢想高翻
巧語難自脫深憐未是恩人情多好異渠豈不能言

宋道人八十詩卷

往事枕中記新編柱下言知音有銅狄逸史訪金源
春露霑霑際秋陽想像存初逢疑夢寐垂泪拜桓温
宋徽絕肖先子

鄉人王母九十

九十青瞳毋寒温白髮孫素田閱滄海冠帔記金源
案上春風橘堦前雪色萱移家就鄰舍種把易陽村

寄谷祖犬

先交從遊地雍容几杖尊秋風太古觀春日樂郊園
妙理欲自得高情誰與論別離空六載期待負知言

揚子忠總管福列

燕趙多豪傑揚侯氣自奇風流猶世曹開爽亦天資
尊俎論交地江山送別時閩中有佳政聊用慰相思

送尹宰

百里衡山縣十年陸宰名
降封今見此鄉校可無評
俎豆欲成趣絃歌漸有聲
涑陽吾舊隱聞去亦閑情

送成判官

釋菜成鄉約從君此例新
歡遊渾幾日離索又殘春
相愛求詩切臨行枉駕頻
笈年人事絕送子為情親

送成從事

易水河梁夢回頭已十春
相逢驚我老送別向君頻
求贈攀前例將詩認故人
故山松菊在歸去未全貧

寄子東太字

一夕西山客十年往事非
黃塵驚我老青眼似君稀
別浦秋容靜離亭草色微
殷勤重寄謝後會不應違

送東海相士

青鏡雲千變紅顏酒一卮
忘言三日雅觀化百年期
烈火誰當抹神游亦自奇
海山如見問聊舉送君詩

感范女

房望吳中范衣冠相國孫
風流猶李白樵爨已陳雲
感事哀龍種慕名重虎賁
乾坤厭更迭誰與抹紛々

哭張之傑

義許同生死奪君何遽然無人共清夜有泪葬黃泉
苦疾求予禱遺孤託我憐傷心墓頭字旌孝看他年
予題其墓道為張孝子墓

哀郭勸農

才命不相偶如君良可嗟半生在人下一死更天涯
三歲同君里前年過我家相望已塵迹零落舊烟霞

頤齋張先生挽詩

与先奉直府君目住金大學

耆舊晨星盡公亡益可嗟先人曾共學樺子與通家

白日明心素青山點鬢華封龍餘爽氣誰與酌烟霞

贈谷學者

士論清脩品天然孝友資從遊無少補離別有深思
貧說長年在文驚近日奇吾言不足重愛子欲何為

西市藥隱

之子隱於藥四休今不孤藏名那論價得號尚嫌壺
知足隨處樂忘梳一事無東隣閑小徑茗椀不須呼

獨立

恒岳精英大直衝昂畢星初疑元氣白橫界太虛青

欲與河漢共不隨霜露相看一杯酒連夜立中庭零

嘉甫從親王鎮懷孟

茲游真可樂免死更扮揄孝弟燕南選文章郝氏徒
早年多急難晚節足歡娛寄語賢兒姪詩書是遠圖

集杜句贈王運同彥材

霄漢瞻佳士公侯出異人家聲同令聞文雅見天倫
玄朔巡天步危樓望北辰燕王買駿骨黃閣畫麒麟
妙譽期元宰蒼生倚大臣蛟龍得雲雨鵬鴉離風塵
治國明公在雄圖歷數屯世儒多泪没賢俊贊經綸

開闢乾坤正調和鼎鼐新彌諧方一展風俗盡還淳
經濟宜公等泥涂任此身尊榮瞻地絕感激畏天真
交態遭輕薄浮生有屈伸嗟予意輒軻撫迹獨酸辛
留滯才難盡蒼茫只有神形容真潦倒世業豈沉淪
倚着如秦贅逢迎念席珎壯心久零落敗績自逡巡
載感賈生慟難甘原憲貧邵平元入漢王粲不歸秦
回首軀流落生涯脫要津稻粱未未足白衣更誰親
碧海真難涉蒼鷹愁易馴君能微感激何處不依仁

靜脩先生詩文拾遺卷一

靜脩先生詩文拾遺卷二

七言律詩 四十一首

渡白溝

薊門霜落水天愁
匹馬衝寒渡白溝
燕趙山河分上
鎮遼金風物異
中列黃雲古戍孤
城晚落日西風一
鴈秋四海知名
半凋落天涯孤
劍獨誰投

遂城道中

鐵城秋色接西垣
遠客還鄉易斷魂
霸業可憐燕太
子戰樓誰吊漢公
孫冷烟衰草千家
塚流水斜陽一

點村慰眼西風獨有物太行依舊壓中原

鎮列望抱犢山

亂山西去獨崢嶸合在仙經第幾名物外高閑真有
意亂來險固亦堪驚太行穠秀霜洗盡全趙規模天
鑿成玆重幽人留顧盼封龍英爽未全平

避暑王溪山

風露撩人儘力清也應知我到禪局秋聲滿谷有生
氣山意帶烟成遠形皎月欲升天失色白雲初出樹
留青佗年若訪經行處合有先生避暑亭

溪穴亭小憩

尋涼隨水到溪亭十里絲陰慙鳥聲自惜形骸恒也
故豈知風露已秋清白雲似與山爭秀落日放教川
盡平六月農家獨赤地登臨舒嘯若為情

留題山房

靈風縹緲竹花飛怪石參差樹影齊壺裏有天藏月
月杯中無海飲虹蜺松生太古鶴應識路入白雲山
盡低萬里黃雲一回首微茫烟水意棲迷

水門庵

池烟林影淡無姿物外高寒兩石礪雲水流行寧有
跡乾坤俯仰自相依波涵晴景動猶靜鳥戀幽人去
復歸回首塵緣吾未了靈風且莫故吹衣

井陘淮陰侯廟

君臣尚詐日生疑誰與乾坤息戰聲未論特功羞伍
噲試看觀變要王齊良能用漢氣無敵蕭可制韓亦
自低枉為虛名誤忠節五陵烟樹亦淒迷

登高有感

疎烟晴曉散輕寒秋色滿林霜意閑今古消沈絕白
日乾坤洒落一青山半生心苦頭先老兩姊墳荒淚
未還瞬息西風解十里登高聊為送餘潛

樓上

樓觀參差接大荒五雲分我白雲鄉卧之地上太行
小來自帝傍春夢長顚露明河氣蕭瑟黃塵落日烟
蒼茫清風簾外問何客玄鶴飛鳴天一方

春游

巧穩林亭無四隣背山向水得天真風光正及二三
月童子同來六七人十日得閑須小醉一年最好是

深春鳥聲似向花枝說曾見無懷有此民

新秋

俗物何曾擾病懷憐渠孤憤若為開人生如此亦安
用野鶴翩然去不曰萬古青天留月在笳聲白鴈送
秋來西域無限峯巒好擬對一峯傾一杯

秋夕

西風吹掩讀殘書慨想平生時自呼度日悠々良可
惜軒天磊々未應無才名莫要驚人甚覈論終當與
禍俱長嘯一聲秋意滿無邊霜葉下庭蕪

夜坐有懷寄故人

筇葉疎桐萬斛秋四山清露一窓幽高情千古謝安
石壯志平生馬少游有錯真成六列鉄欲還空說大
刀頭悠々且付天公在未必蒼生待尔憂

秋望

天從朝雨霽來寬日到平蕪盡處還嘆老自非綠白
髮愛閒元不為青山洛陽懷古真豪聖李白學仙亦
強顏何處蓮花有仙掌不妨招我暮雲閒

秋月有感

自覺規模日感然初心道德負中年仰觀俯察無多
地徃古來今 此天出處不論三代後刪脩直探六
經前南山正在忘言處目送歸鴻手絕絃

癡坐

野人癡坐靜無邊愚昇從渠見戲然或智或愚能幾
里一鳴一止又千年俗流在眼何妨病細故經心信
未賢究竟誰能離此世孤山絕頂送華巔

盆池

青蛙昨夜聖來鳴斗水那容掉尾鯨白髮驚魚應百
我扁舟捉月記三生荷風拂面秋先覺苔露生波晚
更清我欲江東鑑湖老天河早為洗南兵

雨甲

氣勢江淮一旦空故教金甲扁生風崢嶸鉄騎千夫
勇凜冽寒威百獸雄不信豺貅禦萬竈豈知狐兔動
幽叢聖朝千古征南錄亦有孫君治造功

黑馬酒

仙醕誰誇有太玄漢家相馬亦空傳香來乳面人如
醉力盡皮囊味始全千尺銀馳閑曉宴一杯瑤露洒

秋天山中喚起陶弘景轟飲高歌救勒儿

賦孫仲誠席上四杯仲誠命題彦通舉韻

隴鳥回頭意若何剗腸欲我鑑紅螺微范山意詩痕
在灑灑江聲飲興多聖處已分糟與蟬醉來唯見酒
成波千年醒殺江魚腹應恨生身在汨羅一作注瓦
傾銀竟若何紅珠元稱捲金螺微范山意詩痕在灑
灑江聲飲興多聖處已分糟與蟹醉來微見酒成波
千年醒殺魚蝦腹且莫棄流問汨羅

右螺

碧蕭和露捲晴霞錦浪隨鯨落晚沙風趁歌聲來弄
葉酒知人意要浮花曾中壁立三峯玉醉裏神游太
一家明日清霜看紅翠人生容易鬢成華一作江鄉

雲錦爛晴霞海浪鯨魚落晚沙烟影橫橋淡留月露
香芳酒淺浮花風流玉井三峯夢浩蕩蓮舟太一家
明日秋霜減紅翠人生休遣鬢成華

右荷

希夷尊俎永相望混沌鑿開見此觴金橘有天容逸
老青田無地避餘香雲中招隱留仙掌物外尋真得

醉鄉試向峩嶂問啼鳥人間紅雨絕斜陽一作希夷
尊俎永相望混沌鑿開見此觴霜橘有天容逸老金
橙無地避餘香人間玉母留仙種物外秦人有醉鄉
試看累々花下塚莫教紅雨怨斜陽

右桃

後蜀紀劉光祚進桃核杯云得之華山

陳搏邵康節謝人惠希夷尊詩有仙掌峯
峭不收希夷去後遂無儔能斟時事高擡手
尊酌人情略撒頭之句

瀟湘千樹暮林平風露詩腸快一傾蜜戀金絲仍可

意香分綠蟻最關情洞庭春色元無恙南國幽姿謾
濁清誰辨酒舡千萬斛棹歌和月捲江聲一作瀟湘
千樹暮雲平風露詩腸快一傾蜜戀金絲仍可意香
尋翠袖亦多情江陵春色元無恙楚澤幽蘭恐未清
惟有酒船三萬斛南飛齊和凱歌聲

右橙

刪錄以韻即席諫諸生東齋諸物七首

遠山筆架痕字

何物能支筆萬鈞按頭依約遠山痕燈橫煙影隱猶

見秋入霜毫勢欲吞掌上三峯者大華人間一髮是
中原中書未免從高閣不向林泉怨少恩

折疊簡牌筠字

誰將霜縹添霜筠幾葉齊分梵爽勻眼底有無真亦
信掌中舒卷屋猶伸墨雲難染秋天闊碧玉還思曉
露新他日不須焚諫草一方何處覓縑磷

梅杖枝字

鐵石心腸冰玉姿掌中溜得歲寒枝天教一握藏春
密風覓餘香就手吹雪月吟懷隨步履溪山高興入

支願玉堂若要扶持用說與東君也不知

竹癭知字

為憐鶴髮久雙垂秀出龍孫第一枝鑿破誰言混沌
死彈來未有歲寒知天材擁腫吾當取時樣裝嚴彼
亦宜風月不妨時角出清霜難旁老頭皮

醉梨寒字

玉簪香字

二首並見遺詩第四卷

秋蓮空字

瘦影亭不自容淡香香欲誰通不堪翠減紅銷

際更在清江月冷中擬欲青房全晚節豈知白露已
秋風盛衰老眼依然在莫放扁舟酒易空

西仄

一片秋風落漠城人間無復渴塵生鑿開混沌星辰
出碾碎瑤瑤風露清胸次冰霜惟我在口邊捃蜜向
誰傾爛腸莫道遮藏得黑子紅心到庶明

又

一團天露暗藏春多少人間渴死人面上風標儘水
雪胸中文彩爛星辰弄丸我是希夷老鑿竅誰窺混

沌真沃君心甘剖腹乾坤一闕要清新

貧士

貧士出門多掣肘聞君免次謾徘徊不思學館三年
舊肯爲山翁百里來久倚通家略賓主新知不飲罷
尊壘殷勤莫厭通宵話聽說天明即欲迴

故人見訪山中

客子畏人常簡出病來庭戶益荒蕪多時畧闕通書
問遠路遙慙送藥須掃地預占燈燼喜敲門遙認草
亭孤故人知我無供給故着着山慰野夫

次韻蕃河間趙君玉見寄

出門紛擾互相尋常使幽人懶病深前月借書來水
北去年採藥到城隍黃精已倩徐生斲蒼术新教石
老尋只有烟霞肯賒借無人曾送買山金

憶郝伯常

一檄期分兩國夏長纓不到越王頭玉虹醉吸金陵
月玄鶴孤遊赤壁秋漠北蘇卿重回首天南王粲幾
登樓飛書寄與平南將早放艤舫下益州

涼陽李文九十壽

九十餘年何限事向人惟指鬢毛霜偶因飲酒驚遲
醉不信看書託健忘還拜嘔扶緣敬客近游多步為
居鄉自慚犢子顛狂在世故艱難未備嘗

壽田處士

慷慨燕南烈丈夫半城和氣溢閭閻仕途盡看鼠為
帛若輩卻教龍作魚勤苦十年經子史風流千百畫
詩書交遊剩有名公在未許丹青作弊廬

何太夫生日

夜々東隣有香火高門月得百年心蟠桃結實世誰

見隆棟駭人根自深經卷病餘猶早起絲車老去亦
親臨久知吾交間居意惟願慈顏事不侵

出門已坐十年遲擇地寧容一物棲弊帚萬金空自
許青雲平地欲誰梯長庚只合陪殘月衆楚安能立
一齊醉裏商歌動寥廓飛鴻淡夕陽低

靜脩先生詩文拾遺卷二

靜脩先生詩文拾遺卷三

七言絕句 五十三首

偶讀漫記 二首

恍惚天花散亂風向前一蹴是虛空麒麟正要黃金
鎖收入篋瓢博約中
真樂攻心不奈何南華風景偶經過憐君日暮不歸
去直到倚門猶自歌

偶書

車輪有角世無用馬足若方人可尋萬沼千池隨分

在只除明月解同心

天命

天命無私義理公此身承奉有餘恭人心可信難盡
合親令何由敢勇從

雜詩

一語喚醒瑞巖老千言不昧草庵歌閑人為向忙人
說佛法元來本不多

理西齋成

翔風裂地雪漫空辨向西齋作蟄虫有容敲門憑寄

語高談方對紫陽翁

早起

飢鼠號多似訴愁破囊空慣已無羞間來點檢幽居
事鷓鴣聲中又一秋

宿山村

石邊流水自縈紆樹杪間雲恣卷舒長怪西山無爽
氣只應少我一茆廬

宿洪崖觀

雲山不受壯心降無限西風撼客窗應是夜深知月

出却收風雨入清江

大覺寺作

西山詩社久知聞
鞍馬曾經亦可人
須信此邦文教
在能招錫杖近冠巾

中山道中

不許花開一日先
征鞍過處及芳妍
只應春暖山翁
出野店溪桃悵望邊

大暑絕句

青天只恐還煉石
白日何曾赦覆盆
來挽銀河下塵

世欲携赤縣上崑崙

雪嶺遇雨

天爲西遊餉我晴
野花啼鳥效平生
今朝雪嶺初逢
雨應是郎山帶帽迎

上人諺云郎山帶帽十日無道

北窓看雪

背山樓起人呼俗
踏雪詩成奴罵狂
不俗不在高枕
上爛銀堆裏數峯蒼

賀正

秋禾夏麥惣收成
徭役稀疎賦稅輕
北曠南庄俱有

酒倒騎牛背
遠村行

人日

紛々世事倒狂瀾
鄉學如何又起端
六七頑童舞雩
下不知何物是探官

春夜

千紅百紫一般香
霧閣雲窓日影長
一刻千金買春
夜幽人應也笑君狂

春夜不寐

衆人皆睡我獨坐
細看乾坤靜裏春
儻使一時俱閉

目知更數鼓是何人

故園寒食二絕

家々有酒老人醉
拜掃歸來壯士耕
編袂荆簪門巷
窳太平風物故鄉情

一坏新土寄餘哀
故老相邀信步來
行到水西村盡
處桃花無數未全開

中秋無月

鎮日晴明此夜陰
如何天意異人心
一聲長笛浮雲
盡快意金杯莫淺斟

霜落

霜落清江一夜秋
覺來明月滿江樓
酒醒人散夜將
半
花上鳥啼空自愁

山泉

寒溜冷々尔許清
米狂誤拜石為兄
拔山卷地今誰
手
夜々南窓聽此聲

鼓城龍湫

池龍聞說卧南列
一樽曾分一郡憂
四海蒼生望霖
雨
千年誰更傳嵩求

煮茶

細聲蚯蚓發銀瓶
已覺春雷齒頰生
舉似玉川應有
語
無絃琴亦是沽名

聞角

人間無物比悠揚
誰道一聲隨夜長
餘哀到曉無尋
處
吹作南湖十里霜

見梅

朔漠梅花到眼中
一枝無限是春風
江湖烟雨三千
里
誰識乾坤造化工

落花

光景花中自一天精神楚々照芳筵朝開幕落君休
笑還似人間幾百年

啼鳥

幾日春陰幾日晴喚來山鳥話平生杜鵑解道淵明
語只少鷓鴣相和鳴

次人望雨韻

五月良田種不成蓬蒿無雨亦青青袖中准有天瓢
在自是今年夢易醒

豆粥

雪竈冰蘘蒲筋黃砂瓶豆粥透隣香此中真味無人
識熬然羊羔乳酪漿

戲題李渤聯德高蹈圖十一首

黑色黃頭渠醜女綸巾羽扇我周郎已辭魯肅三千
里莫望成都八百棗

鹿門安敢笑隆中耕穡傳家兩地窮愛殺阿山頗神
駿者教他日拜龐公

牙々女巽似備剛教女如羊尚恐狼若使此剛能有

用文姬却不辱中郎
莫道黎蒸法大偏孔門三法見家傳燈前一聽向聲
語愈覺黔婁有婦賢
廢屨吹罷捕麻衣習取禁寒抗老飢幸自伯鸞無識
者對人不必案齊眉
北牕高卧辭周粟婁氏能貧傳亦誇畫裏不深陶靖
節恐因白壁有微瑕
求人諛鬼果何為翻憶謀親入仕時寄謝韓公莫相
挽山妻元不解啼飢

倫理天生有自然莫言家累損清閒何人會我圖中
意說似陽城與魯山

文藁無勞尔謾焚但將勤孝立吾門君看珠翠紅油
壁爭信阿良日乞墻

高詠清江月近人一家燈火夜相親多齋自任傍人
笑已把靈臺付鬼神

渠心當與畫圖期莫問圖中我似誰天意與人論出
處我家行止不閑伊

秋煙疊嶂圖

不傳者死不亡存滅沒天機尚有痕曾向烟霏見真
態依然猶是畫家魂

萬古西畫猿

萬古西山只月明畫中依約曉猿鳴幽人未去深湏
聽一出世間無此聲

梅雀扇頭

月影波光淡有春秋風草々最愁人憑君欲寄調羹
信恐被枝頭凍雀嗔

題崔氏雪竹海棠二軒

崔氏溪亭竹樹新分題為我報詩人而今別有春風
在玉立諸孫鶴髮親

那郎欹枕圖

不見當年夢虎公無端幻術眩愚聾區々正有仙凡
異未便壺中勝枕中

田孝子詩卷 二首

比屋春風夢寐前門閭旌孝見今年山林未覺渾無
望試手田家第一篇

佛法天倫亦泛然雲溪獨愛此兒賢詩成未盡南陔

興不是田家第二篇

雨中聞雲溪不在

燈火幽窓擬對談十年不到二龍潭白雲吹作山前
雨應報高僧不在庵

贈狂道士

得意雲山是處過逢人對酒即高歌世人休笑狂夫
惡却恐狂夫笑汝多

靜脩先生詩文拾遺卷三

靜脩先生詩文拾遺卷四

雜著

希聖解抄作

歲丁卯 是月 望秋容新沐明河皎絮天高氣清
萬動俱息於是易川劉子乃起坐中庭有酒一尊飲
之無味有琴一張絃之無聲有書一編周子所傳是
謂易通微妙難詮仰而求之高入青天即而探之深
入黃泉余乃取而讀之星月之下至士希賢希聖
聖希天余不覺而嘆曰迂哉言蕩々乎浩々乎天高

明神睿孰可希焉歎我後人迂哉此言于是乎吟清
風弄明月扣大塊飲太和誦太古滄浪之詞仰天而
噓喟而歌曰湛尔太虛兮性命之所居兮皓尔太素
兮元氣之所寓兮羲軒遼兮吾誰歸兮孔昊邈兮吾
將疇依兮諷詠不已坐而假寐良久而起忽見中庭
勃々然有佳氣如聞足音拾札而視之三老丈也其
一人襟懷洒落如光風霽月其一人有風月情懷江
湖性氣其一人有淳古君子之風三人同行謹迎揖
迓之上座乃再拜下風進侍于前請其姓字與其所
安止一曰吾稟太極之真二五之精而生位太極而
君天下今老矣無所成退居浯溪拙翁者也一日吾
借太極之面假太極之形先天而生太初氏吾母皇
極君吾兄欲名之而無名間居西洛無名公者也一
曰天地之帥吾其性天地之塞吾其體乾吾父坤吾
母吾其子焉藐然中處寓居西土誠明中子者也余
聞而疑之神耶人耶出此言耶且喜且惧且驚且怖
乃上手而言曰駟也庸俗鄙陋後學晚生未嘗接摺
紳先生之談論覩大人君子之儀形庭無人迹門無

車聲窮窓屏息終日冥々者蓋有年矣吾三先生之
言如是高大何不遊乎神明之域與天爲友與造物
爲徒胡爲乎來哉無名公曰子向者招我以太虛之
歌引我以滄浪之詞吾不子拒今予赴之子何忘之
毋乃昧乎天理蔽于人欲耶誠明中子曰子吾同胞
之弟吾不忍子英才而墮不肖之地吾欲子育而于
成之子何棄豕而忘之耶拙翁先生沈默不言久之
乃曰士希賢々希聖々希天小子疑吾言乎吾應之
曰聖可希乎曰可有要乎曰有請聞焉曰一爲要一

者何曰無欲孰無欲曰天下之人皆可無欲然則天
下之人皆可爲聖人然若是則弟子之惑滋甚而不
不可解矣先生曰子坐吾與爾言子其聞之天地之
間理一而已爰其廢中散爲萬事終焉而合復爲一
理天地人也人天地也聖賢我也我聖賢也人之所
鍾乃全而通物之所得乃偏而塞偏而塞者固不可
移全而通者苟能通之何所不至矣聖希乎天至則
天不至則大聖賢希乎聖過則天不至則大賢士希
乎賢過則聖至則賢不至則猶不失乎令名此聖之

所以為聖賢之所以為賢也子受天地之中稟徒順
五常之氣子之性聖之真子之學聖之功子猶聖也
聖猶子也子其自攻而反以我為迂子迂乎先生迂
乎苟子脩而靜之勉而安之踐其形盡其性由思入
睿自明而誠子希聖乎聖希子乎子其自奪而反以
我為欺子欺先生乎先生欺子乎予於是叩首而謝
曰駟也昧道博學倥侗顛蒙坐井觀天戴盆仰日捫
舌之罪豈敢避之然而辱令教命別開茅塞洞見天
君駟雖不敏鑽仰之勞豈敢負先生之知乎無名公
誠明中子拊吾背曰吾子勉之他日聞天地間有一
清才者必子也夫余辭而不敢當三先生不久留余
亦驚悟醒然視之不見其處

弔荆軻文

歲丙寅十月步自鎮列盛保定將歸北雄息肩于易
水之上草枯水落寒風颯起登高四顧慷慨懷古人
莫測也風蕭々兮易水寒此非高漸離之歌乎荆軻
與太子瀝泣其訣刎血相執就征車而不顧望行塵
之時起非此地乎方其把臂成交豪飲燕市烈氣動

天白虹貫日亦一時之奇人也至若怒秦王滅國奇
謀不成飲恨而死獨非天意乎嗚呼軻乎吾想夫子
之憤惋千載不散遊魂於此矣古稱燕趙多感慨悲
歌之士余不忍負此言也故撰文以弔焉其辭曰

稷文祚絕兮天驕強羸六王猖狂兮係首咸京席卷
天下兮勢若縛嬰英雄膽落而求死兮膏鑊鋸之餘
醒脫身于商網兮寄命儒坑嗚呼吾子將何爲哉此
時何兮不匿影而逃形慙一時之豢養兮遺千古之
盜名逞匹夫之暴勇兮激萬乘之雄兵挾尺八之七

首兮排九鼎之威靈死而傷勇兮雖死何成嗚呼吾
子其愚也相彼白帝之嗣兮豈燕秦之鬼囚其何虜
未灰兮驪山未秋走鹿未罷兮素羅未游子亦何人
兮敢與天仇嗚呼太子兮豈無良謀招賢養士兮信
義是求胡爲嗾揭驕搏於菟兮不顧吞噬之憂召公
之廟不祀兮將誰之尤損燕士之奇節兮吾爲子羞
感霸業之遂墟兮悼彤王之不留仰蒼天之茫々兮
寫我心之悠々

苦寒賦

嚴氣積玄律窮北斗知春迴指于東惟功成而不去
孰頊冥之可容乃鬱彼孽暴歎彼威鋒凝愁雲而蔽
日怒寒風而攬空奪陽春之生氣使天地闐然寂然
如未判之鴻濛于時燭龍絕光熒惑失次陽鳥斷足
火鳥縮翅畢方高飛而遠翔麋牛毛寒而縮蝟炎帝
爲之收威祝融爲之屏氣羲和倚日以潛身盤古闔
天而失視天吳死于朝陽之谷像忽滅于海南之地
若乃焦溪涸熱海澄沸潭止溫泉水火并凍陽谷凝
炎測地列裸壤毛繒熒臺烟滅瘴水生凌而我生于

此肯矣凜冽之可勝或有從軍永訣去國長違霜鋒
寶劍鐵襯單衣積雪沒胫悲風激懷夜渡劍河曉上
輪臺陰山雪漫瀚海水厚當此苦寒十死者九又若
寒門久客貧閭故居不爨不燭無衣無襦鼻酸氣失
隨指列層火如紅金薪如桂枝兒號妻哭痛盡傷悲
抱膝而苦竟死何裨噫嘻嗚呼天歟地歟神歟彼頊
冥之不去我生死其何辜嗚呼噫嘻蓋嘗聞之無寒
不溫無負不元時之革化由是而門吁炎吹冷元氣
所存貞極不元寒極不溫乖序錯命罪半東君於是

易川牛馬之地。上蟻虱。臣再拜東方。發狂語。唇凍舌
遊難具陳。告我東君。胡甚不仁。嗟生類而欲盡君矣。
為而不春。匪豕語汝。其孰汝親。匪君顧我。孰活我人。
豕藉汝力。汝假豕神。天地之知氣。黜項冥。挽于玄根。
汲東海之泥。以接地軸。鍊泰山之石。以補天輪。以廣
廈萬間。庇吾民之凍骨。以布裘千丈。弔四海之冰魂。
使鸞々赤子。鼓舞於春風。喫々然樂其天真。胡為弛
網維而退避。廣讓而讓尊。豕徒問汝々且不言於獨
是乎。乃歸堽其戶。而葺其楹。襲其被。而重其衣。不充
乎神。不怨乎天。東乎容足。以順乎時之自然。

讀藥書湯記二條

人秉是氣。以為五臟百骸之身者。形實相孚。而氣亦
流通。其色聲氣味之接乎人。之口鼻耳目者。雖若汎
然々其在豕而同其類者。固已昭焉。而相合異其類
者。固已拂然而相戾。雖其人之身亦不得而相知也。
如飲藥者。以枯木腐骨。蕩為麤粉。相錯合。以飲之。而
亦各隨其氣類。而之焉。蓋其源一也。故先儒謂木味
酸。木根立地中。似骨。故骨以酸養之。金味辛。金之纏

合異物似筋故筋以辛養之醎水也似脉苦火也似
氣甘土也似肉其形固已與類矣而其氣安得不與
之流通也推而言之其吉凶之於善惡亦類也
天生此一世人而一世事固能辨也蓋亦足乎已而
無持於外也嶺南多毒而有金蛇白藥以治毒湖南
多氣而有薑橘茱萸以治氣魚鱉螺蜆治濕氣而生
於水麝香羚羊治石毒而生於山蓋不能有以勝彼
之氣則不能生於其氣之中而物之與是氣俱生者
夫固必使有用於是氣也猶朱子謂天將降亂必生
弭亂之人以擬其後以此觀之世固無不用之人
固無不可處之世也

書示瘍醫

周禮瘍醫凡療瘍以五毒攻之以五氣養之以五藥
療之以五味節之五毒疑即醫師所聚毒藥凡五藥
之有毒者非謂一方五藥而可以盡攻諸瘍也攻與
療所以去其疾也養與節所以扶其本也蓋攻則必
養之療則必節之攻視療加急養視節加密理勢然
也鄭氏釋五毒以黃磬置石膽丹砂雄黃礬石慈石

其中燒之三日三夜其烟上著以鷄羽取之以祝創
惡肉破骨則盡出宋楊文公見楊峒驗之果如酈所
云此盖古方五毒藥之一爾若即以是為五毒則不
惟聖人之言不如是之狹而執兼與下文五氣五藥
五味之言亦不類矣予又恐以楊之偶中而致人之
不中也賈氏疏又以五藥為五毒則酈既失經之意
而賈又酈酈之意也東坡嘗論學儒不但費紙而正
俚語之非唐庚論陶隱居注本草與易之說非知言
者盖儒術之大無對非可與醫並言者也然眾技校

之則李明之嘗言蘇沈良方猶唐宋類詩盖言不能
詩者之集詩猶不知方者之集方也一詩之不善誠
不過費紙而已一方之不善則其禍有不可勝言者
矣友人為醫者求余書其醫瘍也故云

武遂楊翁遺笈

翁與予外家通譜牒一世矣昭穆則甥父也八十歲
餘每一過余輒自喜數日而謂有所得也好聞邵氏
惡盈語每告之一二必手錄而藏之嘗謂余曰予視
世俗惟余與山西一石丈者其所為頗當吾子意宜

吾子之不見合於人也畧能道余家數世事每援之
以爲其朋友子孫之戒臨終遺其子孫者無他語惟
及余戒其諸孫令從予學而已翁舊嘗與余言昔自
西山來武遂涉百里途一日意甚速訪捷徑於人視
所嘗往來當早至中途遇人奪騎補駟傳乃遠避之
乃反迂於所常往來者爾後思之事莫不然遂不敢
求捷又云某人者擁高官以南余謂其人不免後果
如予言蓋治行時余見謀利之具以知之又云昔年
二十餘遇保列抄騎身已十餘創即伏而死矣其一
人復抽刀由背及臆刺至地而去是肯豈意復生於
天地之間六十年餘也以此知生死非人所能爲也
又云保列屠城惟匠者免予冒入匠中如余者亦甚
衆或欲精擇豈能否其一人默語之曰能挾鋸即匠
也按人于生擠人于死惟所擇豈遂已而凡冒入匠
中者皆賴以生當時恨不知其人之姓名若此等語
每語次必一二及之余亦樂聞而不厭其言之屢也
性喜飲醉即微笑好談佛書亦頗能知其微處嗚呼
親奮日益盡予日益孤感念知己不覺涕零遂書此

示其子孫使知翁之言行如是其令不忘余家之好
云翁字吉甫忘其名至元十六年正月十六日書於
吟風亭

叙節婦賈韓

韓氏中山治中賈公之子增順妻也其先真定獲鹿
人父某金末嘗代上黨張公爲潞列帥後歸國移鎮
彰德西道會有告其與金恒山武公通問訊者遂繫
獄行唐當天下阜昧非強宗豪族不能自保其室家
况當衰謝罪累之餘其強凌豪奪孰復能禦之者時

韓氏年已十五姿色復過人獨能以禮適名族其風
節已可想見矣年十七增順死賈之族黨有欲嫁之
者韓氏以死拒之其兄知沁列吏某怜其少寡欲迎
歸之韓氏恐其將嫁已也凡五往復終不許及年四
十則曰吾老矣吾兄必不強我也方一往焉韓氏出
衣纓復移天于大家其生長見聞宜不知勤儉勞苦
爲何物也及增順死家無以爲生童稚嗷々待哺於
前韓氏即斥去脂澤其服飾雖山野農家之所不堪
者韓氏處之若素也復慨然以勤刀自任每夕以麻

二束自課剝而績之盡焉而后寢其事甥姑接夫子
御妾媵待親戚則又鄉閭以為模範者其塔郭賡屨
為余言之始為叙其大畧庶有如安定胡翼之者聞
將著之賢惠錄云

靜脩先生詩文拾遺卷四

靜脩先生詩文拾遺卷五

書

答田尚書

某再拜復禮意慊到至於再三雖不敢當亦所不敢
拒者然勢有不能者三今不免一焉近有人自鄉
中來水幾嚙先墓尚賴相去甚近時得展省而謀所
以遷避之方必三歲而後可庶幾焉一也家堂垂老
有所生女子在趙列亦欲時一相見若遠去則徃復
極不易矣二也外甥郭判官平生受知最重今在平

定卧疾十月間已一徃省視臨別垂泣云比死幸得
一相見迺其子書來云變腫而利醫者云利不利於
是證也拙婦聞之殆難為懷欲遂俱徃視之則山路
崎嶇徃復千里而勢有不能殆不免某復作一行也
三也有此三者而遂舍之將以教人而先失此雖公
亦所不與也可徃則一來即徃誠不敢虛譏以要人
之再三公若不亮察雖百徃復亦止此而已矣某再
拜

答何尚書

某再拜復辱疏禮意甚厚竇非所敢當也然易之風
土素所慕愛而公之才器則又所願交而未得者也
入平生當苦無書讀每思欲館於藏書之家而肆其
檢閱而今之藏書復孰有如公之多者是三者蓋十
年之所欲求而不得者今一朝不求而併得之且公
出貴家而能不忘子孫教養之計求之古人亦不多
見而某又何暇辭但事緒卒不能絕六七月之交當
再識之某再拜

與王經畧

八月廿八日劉某再拜以平生知己有五年之別且
還自數千里外歎段下澤奉候起居角巾私第從容
觴詠為數日留以道前日西山連榻南列並轡之好
實初心也故自四月初始聞有歸意訪問迄今無虛
日及至則腹痛連綿不止而不能徃徃南望依々徒
增悵恨仲實來仍聞執事脚氣作不知近日復何如
謹專人奉問續當親徃未聞秋巖維順肯以道自愛
不宜某再拜經畧恩公執事

答張推官

某頓首啟自猴與仲實交嘗切聞家世昆季之美而
執事恬退之節樂易之風雖未之識固已若親承其
教五月間彥通來聞秩滿家居而僕方私或以事至
府則庶得一見焉及仲實至則紙墨等物遽蒙先施
之辱矣且許以北行則取道於此而將枉駕焉感慰
不自勝然思其所以得此豈仲實諸人嘗以不肖欺
執事也比當面叙姑此馳謝八月廿八日某再拜推
官先輩執事

答王判官

某頓首復總判執事向居保府切聞才名風節之餘
向慕而願交之者有日矣然公宦游南北而僕復閉
門癡坐蹤跡踈跌是以十年之間僅望見風采一二
於稠人之中竟未嘗接杯酒殷勤之歡以道其相與
之意及來山中交道日狹故人日踈凡鄉曲之賢平
昔之願交而未得者日往來於心其相與之意故在
忽八月九日領四月間見寄詩其賦叙平實而興寄
高遠辭旨精嚴而風格古雅其平日磊砢自負與夫
期待之辱又驟見於言意之表讀之不覺驚喜向之

願交而相與者自此敢少進於前矣恃恨浮沈久
得之晚和答難而報謝遲故誰專人先此馳復比良
晤秋嚴惟頃時以道自愛不宜八月廿七日某再拜復

答 勸農

某頓首再拜復書勸農仲淵先生執事辱惠書知勇
退之節好士之風不勝嘆服所喻舉可為縣學師者
一人見保府及旁郡諸友人年及四五十以上者皆
已經擢用其在城一二生徒稍通經者亦以事奪不
能去惟李某字某者見在親安縣三臺村居其事行

頗可爲小學師其累稍輕或可暫去鄉邑然逼於嚴命不敢不勉思之欲求如許端甫者實不可多得也蓋如斯人每々已在仕路不然者或老病不任教讀也僕平昔一二生徒精通文義者亦各以事纏綿不能遠去爲執事計不若懇留許君之爲得也恒之習之迴謹此奉報不能既二月十一日

如深澤李德常南宮康知之皆可但不

知其人肯應之否

答醫者羅謙父

八月二日駟頓首再拜復太醫先生侍下人來領書及見賜諸醫書前後受賜相疊矣僕自六月七日中山會葬妻父七月五日迴目疾暴發至今昏花所謂醫經辨惑纔檢校二三簡而已昨日定興奔明氏喪迴而知專人來且以繕寫脾胃論見命則愈增稽緩之媿也然目疾纔愈尚不敢久視且一二日間欲於門側建一草亭又不免監督之後恐久曠日期而虛來人之備直也今日早飯竟故遣歸其二書約兩月可畢至期使之來取可也仲實近出來即送書去比

良晤惟以任重自愛不宜克温无異此駟再拜太醫
先生侍下

請趙教授就師席

揔管府廣字等謹致書于教授安之先生足下近聞
病體就平學者莫不相慶比講堂落成有府學生尚
克温等脩館舍備束脩以請伏望早就師席以副國
家崇學育才之意正月初八日字等再拜

靜脩先生詩文拾遺卷五

靜脩先生詩文拾遺卷六

記序哀詞贊疏題跋

宣化堂記

大哉化也源乎天散乎萬物而成乎聖人自天而言
之理具乎軋元之始曰造化宜而通之物付之物人
付之人成象成形而各正性命化而變也陰陽五行
運行乎天地之間綿々屬々自然氤氳而不容已所
以宣其化而無窮也天化宜矣而人物生焉人物生
矣而人化存焉大而父子君臣夫婦長幼朋友之道

小而灑掃應對進退之節至于鳶飛魚躍莫非天化
之存乎人者也天能物與之化而不能使之不違其
化所以明人倫察物理作禮樂制形政以脩其道以
明其德人欲化而天理血氣化而性情呻吟化而謳
歌暴天化而仁壽洋溢乎而發育萬物而放乎四海盤
且天地貫徹古今而莫之違者此聖人宣天地之化
以立人之化而使天下後世宣之也於是時君宣聖
人之化大臣宣時君之化列侯守令又宣大臣之化
至于一家宣一長之化一身宣一心之化一事宣一

理之化一物宣一性之化化而宜宜而復化宜而不
已至于不宣化而不已至于無所化故人伸天化之
上天隱人化之中合人物於我合我于天地融溢通
暢交欣鼓舞無所開隔無所壅蔽人化宜而天化成
矣自世教衰主德不宣恩澤不流而列侯守令又不
能承流而宣化所以陰陽錯繆氣氣充塞而天化窒
群生寘遂黎民未濟而人化息噫天地之化會于人
心聖人之化布于方策碩人之宣之者何如耳順天
治中周侯孟賾故都運公之長子也學業淹備才術

通濟而深識治體昔郡牧劉公病且卒而繼者未至
俟以獨負主治有聲嘗於時豐政暇之際新其府之
公堂謂是堂者一道聽政之所也上之化由是而宜
乃大書其扁曰宣化蓋亦有意于宣其上之化也且
請予記之以爲執事者律予申之曰堂以是名人登
斯堂思所以教令思所以變風俗思所以息獄訟
上恐負朝廷興化之意下恐負吾民望化之心如是
則雖無斯名豈無斯名堂以是名人登斯堂苟俸祿
于此待日月于此行賄賂於此教化不行則歸之上

風化不美則歸之下如是則雖有斯名安用斯名嗚
呼堂既以是名矣登斯堂者無負我侯无愧斯名至
元庚午十二月朔易川劉駟謹記

歸雲庵記

易有鄉曰凌雲鄉有道庵曰歸雲鄉民劉用之所作
也用家有田十餘畝水磴二區白金二千兩性薄於
自奉而喜施予乃並其居築老子祠一側爲環堵十
餘容有學老氏之靜者延而居之凡衣食皆給焉使
得一意於學而無事相往來如是者二十年其田財

費以盡而用亡矣客亦散矣今但有奉祠者數人而已嗚呼用亦勤矣哉蓋聞燕山竇氏之風而興起者惜其智力止及於此而已也昔予遊西山過其鄉而徘徊者久焉見其山水雄勝雲烟奇麗慨想一時賓主之樂不覺有飄然遺世冷然長往之志也至元丙戌用之女夫鄧淵舞予請紀石以旌其事予問用他所行曰嘗收瘡老十餘人養之家終身焉又通瘍醫以藥授病者不責償問用時環堵客曰往々以道術知名亦有被徵車賜真人及師號者門今奉祠誰曰大人昔客崔微士之徒也問築祠始末曰今五十年矣問祠所里名曰沈也余於是念疇昔之經行傷有志之不就取老氏之旨為題雲之章授今奉祠者俾歌之以為步虛之變焉惟靈居方大無隣旋一氣方凝雲忽棄之方下覽思明示方德之門相彼髦士方尚不插老况軋之尊方有嚴其昊孰守虛柔方恒處予道眷茲人方興但命白雲方前驅渺何方方故城雲遙々方踟躕是年三月望日容城劉某記

田景延寫真詩序

清苑田景延善寫真不惟極其形似併矣夫東坡所謂意思朱文公所謂風神氣韻之天者而得之夫畫形似可以力求而意思與天者必至於形似之極而後可以心會焉非形似之外又有所謂意思與天者也亦下學而上達也予嘗題一畫卷云烟影天機滅沒邊誰從毫末出清妍畫家也有清談弊到處南華一嗒然此又可學景延不至者之戒也至元十二年

三月望日容城劉某書

玉田楊先生

并序

余平生所與往還通問訊者皆有目錄而以肯政之庶其有自警者焉昔者有自京師至者曰玉田楊先生嘗問予動靜於我又曰嘗問予言貌于我或又曰先生謂予過此必識子是以來若是者無虛歲至有素疾予如仇讐而擠毀百至一及先生之門則必幡然親愛予亦不知何以得此于先生也後得先生手疏訪故人遺文行實而先人與焉予始疑先生之所以拳于余者或以先人故思欲一見以報其知而先生歿矣後五年至元丙子其子遇始與予會其推

相敬愛猶先生又二年遇謂予曰先人愛子者子為
辭以哀先人莫子宜予固幸其得以遂予哀故不辭
先生諱時煦字春卿仙翁雍伯之後嘗為興文署丞
幼穎悟質厚制行不為崖岸惟喜客家雖貧而延致
接納无虛月隱居教授餘二十年名公貴人往往出
其門者等一室環種以竹名之曰庸齋或為畫其象
為野服蕭然先生頷而樂之名以庸齋自適先生之
病革也訣其門人李生曰予平生無媿於世言竟怡
然而逝其所學與其所行蓋可見矣而世獨以好客

稱之非知先生者遇今為史院編脩官孫肯堂亦好
學其詞曰

嗟漓澆兮孰可淳賦敢厖兮公其人揚尔波兮一我
存矯獨立兮與物春物來納兮吾渾淪氣被物兮吾
氤々彼巖々兮駭絕倫嗟離物兮危尔身彼悠々兮
逐世紛孰有渭兮不涇渾庸可常兮德有鄰微先生
兮吾誰與親

可菴韓道士真贊

不巢由不伊周陶然方外游不滄浪不廟堂超然無

何鄉冠其髮繩其鬚温然山澤癯水其心雲其身飄然葛天民俗而無塵野而有文九十康強人間凡人吾謂可庵之真乃神仙之神也

王治中請趙君玉疏

道人游於四形骸無癢疾之嫌老者近於親飲食有忠養之戒惟其布帛之文不為野所以耆艾而信可以師伏惟提學先生經明行脩年高德劭人惜士安之苦節天留鑿齒之半軀某蚤失師傅今勞王事每慚將逼於晚景但欲長聞於善言避堂寢以舍蓋公固不敢當禮賢之僭載酒肴而過揚子或能伸問字之勤厨傳已備薰沐而待

請趙提學疏

丁亥正月

乘梓懷歸遂老者之志蓬茅增價賴賢者之光惠然肯來寶為全美伏惟提學先生詩文律口而成舉動聽天之俞置之中座居然宿儒某等久尔隣居歆乎雅望使先生春秋浮湛鄉社亦何慚東道主人之招令永輩朝夕出入里門庶能免西家愚夫之誚

請趙安之就師席疏

為列郡立師久著朝廷之令式選生徒入學屢領
憲之條章遂興激勵之心爰得依歸之所恭惟教授
先生蚤親有道晚舉力田以公論所歸膺師儒之選
某等幸居是郡得與諸生敬備束脩願行見先生之
禮特新講肄望不虛鄉國之勤

靈陽觀鳩粮疏

奉為本院見闕道糧謹投一鄉上善共加補助者竊
以力田固清脩之本收功有豐歉之殊終歲徒勞連
年失望驩虞里巷共歌樂土之有秋寤寔齋厨實望

仁人之移粟

跋魯公祭李明姪文真蹟後

李明與盧逖同時遇害也今公所謂仁兄愛我俾爾
傳言者不應居逖之後也果先之則潛告之舉自忠
節發而史為遺誤矣且公於其父之廟碑自叙距師
古為四世與忠節為同祖而新史乃以公為師古五
世從孫與忠節為同五世祖不應公自叙六如撰歐
陽確碑之有誤也舊史自以之推為公與忠節之五
代祖以忠節為公之從父兄矣不知新史何所據而

改之而汪應辰於公傳辨師古五世之誤於忠節傳
不辨其同五世之誤亦可謂攷之不精矣是以知歐
陽永升不敢以新唐書世系列傳為正者不特張詩
孔氏而曾子固所謂史誤者又不特李白傳而已也
至元丁丑八月癸亥日竅劉某書

書饗養圖後

饗養之生于唐虞猶水物之生于陸也雖欲饗養鳥
得而饗養然其所以為饗養則陽中之陰所不能紀
雖欲不饗養鳥得而不饗養以鳥得而不饗養者

與鳥得而饗養者遇是以天下莫不見其為饗養為養
而得以饗養之也及世運降矣人道晦矣淳者漓而
知者戾矣關雎麟趾之意息而河圖鳳鳥之嘆興饗
養之其時也孰從而見其饗養也孰從而見其養
也而又孰得而饗養之也此饗養之所以列于器也
夫饗養之所以列于器也其所以著夫惡則禹金以
黜魅鑄楚史以擣杙名也其所以示夫戒則尊彝之
取象盤孟之有文也呂氏春秋謂以象形飾者周制
也或者曰以形象識之則殷器也非周制也是則不

可得而知也世且不可得而知又烏得而知其用也
金臺田景延得古鬯饗饗拱泉而垂腹羸其面而坐則
人焉其下若有承盤者然河東元裕之爲之攷定其
爲古器之無疑也景延遂以劉敞呂大臨例而圖之
其友郝伯常欲爲道其然而不果而屬予嗚呼人之
於古器物也強其所不可知而欲知之則爲博物之
增惑也舍其所不可知而特慕其古焉則爲玩物之
喪志也爲增惑爲喪志皆非知好古者也舍其所不
可知者而求其所可知者則古人之所以爲戒者在
我矣因其所可慕者思其大可慕者則古人之所以
爲古人者自此而得矣求知是知也求慕是慕也則
斯器也固有爲致知之一明德之端者不惟在我之
鬯饗以此而見在物之鬯饗我將自此而得鬯饗
也至元丁丑正月丙寅容城劉其書

靜脩先生詩文拾遺卷七

先世雜事記

改葬後祭文

西塋

維至元五年十月戊寅朔承祀孫某謹以清酌之奠
致告于先塋前金塵昔蕩人其流離天寒我族逸難
南飛遼々松楸誰主誰依雨鬻烟荒牧踐孤悲春秋
失祀神其饑而降及大革吾宗益衰骨肉連喪不免
兵飢我父重生故里爰歸險阻艱難亦倍嘗之先澤
未涸家運欲伸負藥是萌不肖惟駟生遭閔凶早茲

二親先塋所在莫知莫聞豺獺報本孰無此誠心此
溢顙中心靡寧寤辟自譴云胡爾生親拒尚旅先塋
未祔載訪鄉人得此其處白溝之澳金容之曲寔惟
故域於焉是卜與此相望不違十里神遊下泉尊卑
有齒我惟後人英探其紀念我孤孫卓獨一身形影
相吊撫迹酸辛承我先業惟恐有墜其敢弗勤遠大
自期卓然千古樹我名勲堂々先靈死而不亡庶聞
此言相我後人宗其有光神亦不孤歲時匪懈拜掃
敢忘尚饗

改葬後祭文

東塋

祖

念豕諸孫粗濡文墨實賴豕祖好士雄偉神臥荒烟
蓋亦有年豈我父罪惟某之愆提携教育不辱其先
勿以小怠志其大全先父遺命云汝祖父母在淺土我
平生艱蹇不克葬汝能成之豕事了矣

舛祖

我祖登第先我劉宗雖先世德亦我祖功天道何如
俾絕其嗣式值凶飢遽至于此我父惟子惟某則孫

歲時拜掃其敢弗鈞

櫛

無狀招禍兒罪彌天々不處殞俾值孤單亦愛吾字
不忍絕祀于其先苟立厥嗣實不願自延晨昏奉慰
償過于下泉嗚呼痛哉兒復何忍言

一 二

遠祖宗

高祖

敦武校尉臨洮府錄事判官

曾

奉議大夫中書山府錄事

祖兼善文述因

三

四

五

六

高祖昉敦武校尉臨洮府錄事判官家居嘗夜坐廡
下見一人盜厨中大釜識其為里巷子呼之語曰吾
家口衆明日何以為具盜弃釜而走止之曰若走即
使人執汝姑於此以待乃取錢櫛釜之直與之耳使
置釜於竈所竟不言及卒盜來哭且以其事告人曰
吾不言則沒翁之德嘗為吏部掾每為選人給紙札
曰紙札亦細事
鄉人號為劉佛子娶容
城王氏男四

曾祖侯字德容奉議大夫中山府錄事為政有聲每
罷歸望容城其門睽子下車凡長一歲者無貴賤皆
納拜娶邊氏有明鑒

並曾祖劉公子英業進士早世

考秉善字文卿少讀書氣豪邁以義雄鄉里貞祐之
變鄉豪以國命推為萬人長遂逃避河南弟秉忠登
科後母教之曰科舉無用學措國家設此以取人耳

有志于學者豈可如是而已養孤姪如己出有外姻
之無託者皆為撫有不使失所其子自他而歸遇里
中一媪揖之曰而青曰彼年長雖賤亦人也乃延媪
上坐使再拜其嚴類如此壬辰北渡六月六日卒於
安平時年五十二其子扶其柩葬於溝市里之西原
取陳氏生子男二曰紫陽曰述女曰桂適金皇族完
顏世襲千戶侯

祖考妣六月日卒相去无幾日

外祖奉直府君行錄

君諱秉德改國寶字長卿小名壽郎小字延慶大定
二十五年乙巳正月初一日生登興定二十年進士第
釋褐涇州涇陽縣主簿改藤州藤縣尹遷中書省令
史未幾改司農主事尋授密院經歷終於奉直大夫
鄭列防禦判官君性安靜恬退與物無競為學不喜
作詞章貞祐間避地河南隱于豫列之許封山從學
者惟孔文振茂林脩竹清泉恠石終歲無人惟琴書
在側為省掾時其一省郎暴怒以燈擊其僕偶中君
之首君瞑目端坐神色不動其人謝之曰偶爾何謝
焉嘗燕居僮僕鼓蹠相詬詈以謂無人俄而風動簾
起見君坐于堂中衆皆惶恐往謝罪君方瞑目端坐
少間開目顧之曰若輩何在此耶衆乃具以罪狀自
陳君徐曰曲直有在何至于鬪戒勿復然其寬裕類
如此惜乎天不假年壬辰歿于京師之厄先娶王氏
早世而高尚書有鄰欲以女妻之不許曰吾不能以
一女子而下貴人遂娶李氏生子男二人曰乞住道
道皆早卒

君諱述字繼先金泰和四年七月九日生六歲值貞祐之變從親南渡君早有大志穎悟絕人十六七棄舉子業廿六遭壬辰之革飢險備嘗北渡至安平二親連喪吾母病篤先生護柩扶疾重至鄉土田園盡非豕有環堵蕭然宴如也遂刻意于學大難之後無書可讀求訪百至十年之間天文曆數陰陽醫方之書無不通性學史學尤所喜者其書皆手所謄錄往來燕趙間交游皆父行之天下名士也時耶律中令君執政翰林承旨王公百一以名書薦之中令欲用

而不就後至順天隱居教授杜門絕交萬事置之度外惟以教子爲事自始余四十未有子嘗語人果無子則已若有子必令讀書我今教子亦將以成吾之志而已性不喜酒好長嘯嘗游易列諸山當秋風落木之下危坐終日時作一曲其聲雖冲澹蕭散而其慨然之所不能忘者亦時見之然其竹冠葛服雍容樂易人謂又有真隱之風焉先生平日明於藻鑑或評論人物或指明事体或推究世變人必待其驗而後服中統初左三部尚書劉公才卿宣撫真定道辟

為武邑令未幾以病辭居真定之北潭至元四年九月還順天明年十月十二日病革命其子曰汝高祖以來未嘗為惡大兵之後吾再生而汝兄姊但亡而汝獨在汝其勉之明日卒于客舍六年十月廿五日卒于容城縣溝市里之西原娶定興進士楊勗字勉之之幼女楊氏生而有知年十六歸先生兵後親執爨无難色先生晚無子力請令別娶先生竟以天命拒之女曰綳皆適人而卒先妣十一月初六日卒

先君記事

泰和四年丁卯

七月九日寅嘗生

崇慶元年壬申

從親南渡

正大二年乙酉

娶楊氏

壬辰

三月降

五月初五日從親北渡至安平六月初

日久母皆病歿十二月廿三日還容城

乙未

附籍

庚子

八月三日長女阿乞生寅時

癸卯

遷定興

乙巳 遷涑水 八月十五日次女秀生

丙午 還順天

己酉 閏二月九日亥昔秀因生

庚戌 有北京行

甲寅 長女嫁韓氏

乙卯 遷涑水 十一月初六日喪妻楊氏

丙辰 次女嫁樂氏

己未 復還順天

中統元年庚申 八月往真定

